

Tentamen inaugurale, de rachitide ... / [Cornelius Pyne].

Contributors

Pyne, Cornelius.
University of Edinburgh.

Publication/Creation

Edinburgi : Balfour et Smellie, 1785.

Persistent URL

<https://wellcomecollection.org/works/utb9rhjp>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>





42445/P
TEN TAMEN INAUGURALE,

20

D B

R A C H I T I D E.

Q U O D,
ANNUENTE SUMMO NUMINE,
Ex Auctoritate Reverendi admodum Viri,

D. GULIELMI ROBERTSON, S. S. T. P.

ACADEMIÆ EDINBURGENÆ Praefecti;

N E C N O N

Amplissimi SENATUS ACADEMICI consensu,
Et nobilissimae FACULTATIS MEDICÆ decreto,

PRO GRADU DOCTORIS,

SUMMISQUE IN MEDICINA HONORIBUS ET PRIVILEGIIS
RITE ET LEGITIME CONSEQUENDIS;

Eruditorum examini subijcit

CORNELIUS PYNE,

H I B E R N U S,

Societ. Chem. Edin. Sodalis.

Ad diem 12. Septembris, hora locoque solitis.

E D I N B U R G I:

Apud BALFOUR et SMELLIE,

Academiae Typographos.

M,DCC,LXXXV.

322291



EX. H. I. D. E. PYNEC.

TENTAMEN INAUGURALE,

DE

RACHITIDE.

DE morbi hujusce vetustate multum discrepuere auctores. *Glissonius*, qui primus de rachitide mentionem fecit, et plerique auctores, qui post illum de hoc morbo scripserunt, primum ortum fuisse anno 1630 asseruere; nec non, illustrissimus *Van Swieten* affirmat, mali incogniti novitatem impulisse hos medicos, qui una cum *Glissonio* morbum accurate depinxere, ut viribus conjunctis morbi indolem rimarentur, itaque optimam medendi methodum felicius detegere possent. Sed eruditissimus medicus *Zeviani*, in scriptis antiquorum symptomata morbi, vel separatim vel conjunctim sese exhibentia, enumerata invenit, et morbi vetustatem multis aliis argumentis

A

evincit;

322291



[1785]

evincit ; de variis quoque corporis distortionibus, viz. *tuberonibus, capitonibus, valgus, varis, &c.* rachitide fere semper originem deducuntibus, saepe memoratur ; et quomodo morbus non contagiosus subito ortus, tam brevi tempore tot strages horrendas ederet, non tantum regione qua primum apparuit, sed per totam fere Europam, vix concipere possum. Rationi igitur magis consentanea est sententia, quae morbum veteribus haud ignotum fuisse, sed forsan rarius evenisse, dum causae, morbos qui ex debilitate pendent moventes, minus pollebant, et talem tempestatem, qualis ad hunc morbum gignendum plurimum confert, eo anno contigisse, quo primum medicorum attentionem occupaverat, suspicatur.

CHARACTER.

Caput magnum, anterieus maxime tumens, genicula tumida, costae depressae ; abdomen tumidum, caetera marcescentia*.

HISTORIA.

* Cullen. synopsis. nos. meth.

HISTORIA.

Infantibus proprius est, nunquam connatus, ante mensem quintum rarissime aggreditur, a mense quinto ad anni secundi cum dimidio finem frequentissime, post hanc aetatis periodum fere nunquam supervenit.

Sese primum prodit ignavia, motus praesertim ambulationis averfatione, languore, muscutorum flacciditate, et corporis marcore, appetitu tamen non deficiente. Caput, ratione ad reliquum corpus habita, praeter naturam increfcit. Frons monstrofe prominet; fontanella et futurae magis apertae aliquando fiunt; facies augefcit et tumefcit, et collum admodum gracilefcit.

Posthac, ossa afficiuntur, epiphyfes adaugentur, et nodi articulis, praecipue in carpis, oriuntur; hujuscemodi tumores semet aspectui exhibent, ubi costarum extremitates sternum connectuntur; costae ipsae deprimuntur, pectus a lateribus angustius redditur, et sternum in acumen protruditur. Ossa nonnulla quoque incurvantur, tibia et fibula praecipue, saepe sed paulo rarius ulna et radius; aliquando femur humerusque. Quaedam ex his quasi decurtata videntur; spina curva, brevior fit, et variis modis detorquetur.

Dentitio tarda et difficilis est, dentesque nigricantes vacillant.

Saepe sub cute aqua diffunditur; si humor absit, flaccida et pendula evadit cutis.

Appetitus sub initio morbi semper valet, sed progressu prostermitur; concoctio languescit; diarrhoea, interdum lenteria, prope finem accedit; atque per totum morbi decursum abdomen turgescit et inflatur.

Animi facultates aliquando laeduntur, plerumque tamen ingenium praecox est, iudiciumque mirum.

Pulsus, accedente morbo, tardescit, progrediente, citatur, necnon aliis pyrexiae symptomatibus morbus stipatur.

His symptomatibus, morbus saepe in annos perstat, et augescere pergit, donec functiones omnes oeconomiae animalis turbentur, et aeger tandem fato succumbat; saepius tamen hocce vitium ingravescere desinit, et revalescit aeger; sed ossa, nisi morbus leniter sese habuisset, per totam vitam informia manent.

Cadaveribus inspectis, viscera abdominis semper iusto majora reperiuntur. Cavitates abdominis, thoracis, et cerebri hydropicae; intestina flatu turgida; pulmones schirrosi vel suppurati; cerebrum plerumque flaccidum; venae jugulares praeternaturaliter amplae; ossa mollia et scissilia;

sciffilia; humores semper tenues et solutae; partes carnosae, tenerae, et decolores videntur, cadaverque totum rigiditate solita caret.

CAUSÆ REMOTÆ.

Pleraque, quae auctores adtulerunt de antecedentibus rachitidis, et praecipue de statu parentum, quorum proles hoc morbo afficitur, iudice celeberrimo *Culleno*, fundamento parum stabili nituntur; saepe enim, nulla affectione parentum existente, nullo modo praeter solitum infantes alendi usitato, quibus attribui posset, incipit morbus.

Quoniam vero pluribus ejusdem familiae aliquando contingit, et nequaquam vi contagiosa sese dispergit, feminum rachiticum, interdum ad aliquam labem haereditariam referre fas est; et quum infantes nonnullos prae aliis, quibusdam in locis, vel ex quadam tractatione, hoc morbo saepe laborare videmus; hae res, seu corpus rachitidi proclive reddendo, sive malum excitando agunt, vix dubitare possumus. Hae igitur, quibus nomina causarum remotarum proprie sunt indita, sub duobus capitibus enumerari possint, scilicet,

I. Conditionibus

I. Conditionibus parentum quorum proles hoc morbo afficitur.

II. His quae infantem ipsum respiciunt.

1. Conditiones parentum quorum proles rachitide afficitur.

Quoniam hunc morbum ut plurimum a laxitate pendere liquet, verisimillimum videtur, eum praecipue infestare liberos eorum qui ex aliqua causa debilitantur, constitutionibus laxis laborant, molliter vivunt, morbis praegressis vel senio exhauriuntur, perpetuis aquosis potibus, ut thea, coffea, &c. corpus infirmant; hinc etiam infimae plebis infantes saepius rachitide exagitantur, quoniam penuria, victu parum apto eos uti, necnon frigidas humidas domunculas, non satis ab aëris injuriis hospites miseros defendentes, habitare cogit. Sed haec praecipue ita se habent, si vitam nimis sedentariam et luxuriosam degerit mater, si diaeta insalubri, dum uterum gesserit, usa fuerit, si vires profluvii sanguinis, fluore albo, vel alijs morbis ante conceptionem fractae fuerint. Morbum saepe originem ducere ex habitu matris scrophulosa, Cullenus testatur.

Minime tamen, omni in exemplo, opportunitatem huic morbo ad aliquam parentum crasin peculiarem referre possumus.

2. Quae

2. Quae infantem ipsum respiciunt.

Ex his, *lac* primam attentionem sibi vindicat; quod, si ex ulla affectione nutricis, aliquam mutationem vel quantitate vel qualitate subierit, adeo ut infantis nutritioni parum idoneum evaderit, rachitidem inducere valet; et hoc praecipue a lacte valde aquoso, vel copiosius vel diutius pro cibo adhibito, accidere potest. Si nutrix igitur causis supradictis infirmata, animi affectionibus obnoxia fiat, quae qualitatem lactis fere semper afficiunt, et praesertim si alumnos rachiticos antea lactaverit vel pepererit, tunc res non amplius in dubio haeret, quin lacti jure vitium vertatur. Nutrices tamen hocce malum vix unquam excitare posse, nulla a parentibus opportunitate accepta, *Cullenus* celeb. putat.

Febres intermittentes autumnales, morbi acuti vel chronici, atheniam inducendo, corpora juniorum ad hunc morbum proclivia reddunt, et, hocce vitium potissimum post autumnales intermittentes accidere, *Sydenhamus* notat.

Scabies, impetigines, ulcera subito suppressa, valde nocuisse, testatur *Glissonius*; ita loquitur, ‘ ad haec, quod intempestivam impetiginis aut scabiei suppressionem sequatur, ‘ ut frequenter observavimus, quando rursus erumpente ‘ scabie,

‘ scabie, atque pruritu excitato, indeque aucto in membris
 ‘ externis calore, tales pueros facile restitutos vidimus.’

Tempestatem frigidam et humidam, quippe perspirationem
 supprimentem, fibrasque relaxantem, hunc morbum non-
 nunquam movisse, quidam credidere. Necnon *vestimenta*
madida, vel parum caute siccata, ab auctoribus incusantur;
 hinc ratio reddi potest, quare rachitis, non tantum divi-
 tum aedes, sed etiam pauperum tabernas, pulset; hi enim,
 inopia gravati, nec cubicula calefacta, nec lintea bene ex-
 siccata, infantibus praebere possunt.

Farinacea non fermentata, utpote causam hujus morbi
 remotam, auctores plerique culpant; sed ubique per orbem
 terrarum infantes his farinaceis aluntur. Mea quidem
 fert opinio, cibum plus justo tenuem vel aquosum multum
 injuriae corpori efficere; nam, quoniam diaetam satis nu-
 trientem ministrare nequeat, vix non aequae ac causae su-
 pra recensitae effectus edat, adeo ut corpus laxum redde-
 tur, crasis infirmabitur, morbus inducetur.

Ad summum, quaecunque corporis habitum vel laxant
 vel humectant, ad causas remotas morbi hujusce jure re-
 duci possint.

CAUSA PROXIMA.

Causa alicujus morbi proxima, ut refert auctor * per-
elegans, investiganda est, 1. A natura et viribus causarum
remotarum praecognitis. 2. A diversis morbi sympto-
matibus inter se collatis, et ad unam simplicem causam
severo ratiocinio ducentibus. 3. A remediis et pernicio-
sis et salutaribus, durante morbo, applicatis. 4. A mortu-
orum sectione.

Quoniam igitur plus minusve aquae semper cute suffu-
sae, cavitates corporis omnes hydropicas, et humores an-
te et post mortem tenuēs et aquosos invenimus; quoniam
symptomata fere omnia ad hanc referre licet, et causae
remotae tales sunt quales diathesin hydropicam inducere
valent; denique, quoniam consilia medendi, remediis quae
hanc evacuant, vel ejus in systemate accumulationi
obstant, perficiuntur, aquam in corpore collectam esse
causam proximam hujus morbi, vix non agnoscere possu-
mus.

B

A

* Cl. Home, princip. med.

In hydrope aquae effusionis causa, vel ad absorptionem imminutam vel ad exhalationem auctam referri solet; in rachitide, ut ex symptomatibus antecedentibus et causis remotis patet, totum systema atonia gravissima laborat; cor adeo debile micat, ut humores superabundantes nequaquam eliminari possunt. Hinc quoque magis confirmatur mea sententia, causam nempe rachitidis proximam consistere in nimia aquae copia in corpore congesta, ab arteriarum relaxatione originem ducente.

Hydrops et rachitis causas easdem agnoscunt, eidem curationi auscultant, nisi quod paullulum differentiae in remediis exhibendis exigat aetas infantilis; exinde hosce, hydropem nempe et rachitiden, esse morbos, si non ejusdem generis, saltem simillimae naturae, inferre liceat.

Causas symptomatum, ossium praecipue affectionum, quantum in me fuerit, nunc exponere pergam.

R A T I O S Y M P T O M A T U M .

Ossium deformitates, viz. mollities et incurvatio eorum, epiphyseum protuberantiae, &c. In aetate infantili ossa nondum

dum duritiem et firmitatem debitam acquifivere ; cartilagineſ magis referunt, nec a natura partium mollium multum ſe diſſimiliter habent. Hinc aqua largiter congeſta ea pariter ac muſculos afficere poteſt, eodem modo eorum fibras penetrat et diſtendit. Sed oſſa, propter duritiem majorem, non aeque ac muſculi, formam priſtinam, aqua remota, recuperant ; oſſa enim informia denuo indurantur, et vita etiam ad longaevitatem protracta, nequaquam veſtigia eruere poteſt, quae haec diſſiſſima hoſpes relinquare ſolet.

Oſſium epiphyſes, quippe quae prae aliis partibus oſſium cancellis locupletes, vi diſtendenti citius cedunt ; hinc magnitudo adaucta, tuberoſitas.

Defectus materiei oſſeae a Culleno celeberrime eſſe cauſa proxima rachitidis refertur ; ſed hic potius ſequela videtur, nimiae fluidorum ſeroſitati tribuenda. Nec diſſicile erit conceptu, quomodo materies oſſea, nimio humore aquoſo circumambiente, ablui poſſet ; ſi tempore eodem viſcera chylopoietica debilitas opprimat, ſi cor et arterias atonia degravet, vix non oſſium nutrimentum, et ex neceſſario particulae oſſeae, deficere poſſint. Sed ex his particulis pendent oſſium firmitas et robur ; his igitur deficientibus, oſſa in vitium incidere, minus firma evadere, et tandem flexilitatem pati, neceſſe eſt. Hinc, cum corporis

pondus

pondus ossibus nondum consolidatis innitatur, pressae epiphyfes prominere incipient, carpique prae aliis partibus affligi solent, quia pedibus ad ambulandum uti infantes nondum valentes, manuum conatu corpora sustinent.

Ex supra dictis intelligere possumus, cur hic morbus frequentius ante vitae biennium accidit. Si enim nulla signa rachitidis ante hoc tempus se manifestaverint, adventus morbi hujusce plerumque non amplius metuendus; quia ossa jam solida facta, corpore sustentando munera sua debita peragere, nec humoribus circumfluentibus tanto perire affici possunt.

Capitis incrementum cum futuris amplis: Quia ossa in rachitide molliora, et interstitia membranacea inter ossa calvariae ampliora, vi encephali distendenti plus justo cedant.

Caput antèrius tumens, praesertim fortasse ab inclinatione capitis spontanea in statu relaxato; si quis enim erecto corpore sedens obdormiscat, caput antrorsum labitur; igiturque cerebri pondus nonnullum hic effectum habet.

Spina

Spina variis modis detorquetur, ex debilitate musculorum corpori erecte sustinendo imparium, hinc antice quandoque incurva fit; aliquando a causis fortuitis, thoracibus nempe foeminarum arctis, vel in idem latus continua inclinatione, in aliis directionibus incurvatur, et tunc, ut corporis pondus supra propriam basin cadat, aeger musculis alterius lateris naturaliter agit; hinc curvatura vix unquam simplex.

Sternum in acumen protrusum; quia a pondere extremorum superiorum thorax a lateribus comprimitur.

Abdomen tumidum; a visceribus amplificatis, et ab aëre, aliisque, quibus intestina, propter concoctionem pravam, inflantur.

Incrementum viscerum abdominalium, oritur fortassis ex vasorum atonia, quae vetat ne sanguis ad extremitates superficiesque corporis copia solita mittatur; hinc major quantitas partibus cordi vicinis accumulatur.

Et eandem fortasse rationem faciei tumidae, et vasorum capitis nimis distensorum, reddere licet.

PROGNOSIS.

P R O G N O S I S

Nisi in iis aetatis admodum tenerae, vel qui habitui parentum fracto donum funestum debueret, plerumque fausta, dummodo ab initio morbo obviam eatur.

Si ab aliis morbis praecedentibus proveniat rachitis, infelicius; si alimento parum apto, aliisve causis ei similibus, procedat, faustius iudicium.

Si ante tempus dentitionis morbus accesserit, timendum, ne sub hujus periodi adventu aeger morbo succumbat; quoniam dentitio laboriosa nonnunquam symptomata gravissima secum affert, morbi ipsius symptomata ut plurimum adauget, mortemque etiam, teste *Glissonio*, saepissime minatur.

‘ Scabies et pustulae in cute pruritufve, huic morbo supervenientes, ad curam ejusdem multum conferunt *.’

METHODUS

* Glisson.

METHODUS MEDENDI.

In hydropo adultorum primum medendi consilium est, aquam per evacuantia directe remove; sed aetas tenera infantilis hoc consilium, utpote systema nimis acriter convellens, admittere non vult. Methodo igitur serositatem minuendi, qua vires minus franguntur, uti necesse est. Hanc, aquae absorptionem promovendo, itaque evacuationem ejusdem faciendo, aptissime exsequamur.

Consilia medendi igitur sunt,

I. Aquae absorptionem, et exinde evacuationem, promovere.

a. Emeticis mitibus.

b. Laxantibus.

c. Frictionibus.

d. Exercitatione.

II. Diathesin leucophlegmaticam corrigere.

1. Systema corroborantibus, ut,

2. Diaeta

- a. Diaeta nutriente.
- b. Vestimentis calidis bene exsiccatis.
- c. Aëre ficco.
- 2. Medicamentis tonicis, ut

- a. Amaris.
- b. Aromaticis.
- c. Cortice Peruviano.
- d. Ferri praeparatis.
- e. Cupri praeparatis.

III. Modis mechanicis deformitates emendare.

1. Multae, inquit Gregorius noster ingeniosus, exinationes mirabiliter saepe praesunt, augendo actionem vaporum imprimis absorbentium, quae humores ubique exhalatos vel effusos hauriunt, et in sanguinem iterum deferunt; hoc modo *emetica* utilia sunt, et per totum morbi decursum conveniunt. Sed vomitio vehemens, vel nimis frequenter repetita, aegrum fatigat, et ventriculum debilem mobilemque reddit. Hinc emetica mitiora, praesertim ipecacoanha, sub forma vini ipecac. ph. Edinensis, quippe vomitionem minima cum turba ciens, aliis praeferrenda.

Quandocunque

Quandocunque nausea vel ad vomendum proclivitas adfit, tunc emeticum summo cum fructu exhibetur.

Laxantia etiam aliquando bonos praestant effectus; nam quoniam abdominis intumescencia plerumque, ab affectione tympanitica intestinorum pendet, ad flatum expellendum, et fortassis ad derivationem ex visceribus faciendam, plurimum conferunt. Sed quoniam cathartica magis quam emetica corpus convellunt, aegrique vires exhauriunt, ea semel tantum, vel iterum praecipienda esse *Sydenhamus* recte admonet. Rhabarbarum sub forma tincturae rhei dulcis, propter virtutes ejus astringentes et amaras, aliis anteferri oportet.

Si aeger rhabarbarum fastidiat, *enemata* ex lacte vel aqua calida ejus locum suppleant. Talia auxilia praecipue postulantur cum alvus adstricta, et faeces induratae sint, cum flatus intestina torqueant, aut quaevis intestinorum tormina aegrum affligant. Longo a pastu intervallo tepida clysmata suadet *Glissonius*.

Exercitatio, frictiones. Omnibus medicis, qui frequenter hunc morbum videre, cognitum quantum boni ab exercitatione et frictionibus, utpote absorptionem expedientibus, sperandum sit. Quoniam vero ad exercitationem

gestationis, ob vis muscularis defectum, solummodo recurri potest, situ, quo ossa adeo mollia parum detorqueantur, aegri recumbere deberent.

Hic loci notatu dignum, gestationem, tum quod ad vehementiam tum quod ad durationem, aegroti viribus semper accommodandam esse, et ne sudor copiosus eliciatur, ne fatigatio inducatur, cavendum est*.

Fricatio non solum infirmioribus, sed etiam iis, qui gestationem vel alia exercitationis genera tolerare fatis valent, apta esse videtur. Perficitur ipsa operatio aut manu calida, aut potius panno laneo imbuto vapore variorum aromatum, viz. Succini, Olibani, Benzoini, &c. quae stimulo leni frictionis virtutem adjuvent. *Van Swieten* suadet, ut abdomen mane ante jentaculum panno laneo, ut supra imbuto, perfricetur; sed haec in abdomen, et in alias partes, ad levem usque ruborem, neque amplius, protrahenda.

Ad corpus fricandum aliquando olea calida aromatica in usu sunt; et in Hebridibus partibusque septentrionalibus Scotiae, oleum rancidum scatinae (Anglicé *Thorn-back*)

* Vide Gregorii conspect. med. theoret. 1108.

back) cum optimo successu, ut videtur, usurpatur. Hoc oleum ex hepate *Raiæ*, seu *scatinae majoris communis*, paratur.

Initio admodum caute utendum est; portione enim minutissima adhibitum febrim excitat. Prima nocte cubiti carpique juncturas eo leviter inungunt, febris instanter oritur, quae per totam fere noctem perstat. Omni nocte repetitur operatio, donec febris concitari nequeat. Tunc cubiti, carpi, genuaque fricantur; ita febris iterum movetur; sed quarundam noctium spatio febris etiam ab hac unctione oriri recusat. Tunc tota spina costaeque illinuntur, et ut antea agitur. Denique, lanca subucula oleo immersa aeger circumdatur, unde oritur vehementior febris, quae vix, donec dies pervenerit tertius, remittit; eadem subucula oleo imbuta usque gestanda donec sicca fiat; et tunc temporis malum, si medicabile, profligatur. Haec operatio per hebdomadas aliquot continuatur. Quo morbus diuturnior, eo frequentius oleum exhibendum est; quo citius remedium applicatur, eo certius prodest. Medicus, ex cujus literis modus hoc oleum administrandi excerptus fuit, plurimos hoc remedio sana-

nutricibus, quibus in eodem lecto cum infantibus cubare necesse est.

Nunc ad consilium secundum pervenimus, scilicet,

2. Diathesin leucophlegmaticam corrigere.

Huic consilio medicamenta corroborantia et tonica apte respondent.

Inter corroborantia imprimis recensenda est

Diaeta fatis nutriens, sed corpus minime gravans, reficiendo et alendo corpori apta, et concoctu facilis. Alimenta igitur aquosa prohibenda sunt, et loco eorum panis bene fermentatus, gratissimis additis aromaticis, quae majorem saporis gratiam concilient, et vires languescences blando stimulo excitent.

Jura fortiora et condita prodesse videntur; juscula vero aquosa minus idonea sunt.

Potus nimis aquosus, vel nimia quantitate sumptus, inter morbi causas antea enumeratus fuit. Cavendum igitur est, ne aeger nimis largiter bibat, ne potu nimis aquoso, tenui, vel parum stimulante utatur. Vinum igitur Gallicum rubrum nempe, aliis praecellit; necnon vinum Hippocraticum dictum a Swietenio jure laudatur.

Cerevisiam

Cerevisiam fortem, tantopere a Boerhaavio commendatum, Cullenus illustrissimus parvi aestimat.

De *lactis* usu adhuc inter auctores lis est. Zeviani ex theoria fortassis lac repudiat. Benevoli autem et Cullenus id non omnino improbant. Quando autem signa rachitidis supervenerint, praesertim si dentitio tarde progrediatur, suadet Professor noster eruditus ut nutrix dimittatur, ex eo quod, lac bovinum, prae foeminino, nutrimentum valens praebere potest.

Vestimenta calida et bene exsiccata. Quot quantosque effectus corpori edat vestitus, neminem latet. Vestes calidae sanitatem corporis tuentur, corpus leniter stimulant, itaque sanguinis cursum versus cutem expediunt. Sed humidae et madifactae perspirationi obstant, itaque multum injuriae corpori efficiunt. Vestimenta igitur calida cauteque exsiccata eligi debent. Huic proposito inferviunt laneae vestes, quarum superficies asperior, corpori nudo applicata, omni motu corporis frictionem aliquam excitant.

Aër siccus corpus maxime roborat, exhalationem per cutem promovet, et animi hilaritatem, qua nihil ad valetudinem

tudinem magis confert, conciliat. Si igitur aër frigidus humidusque sit, infans in coelum benignius transferatur; si autem, urgente paupertate, hoc fieri nequeat, praecipit Boerhaavius ut in elatiore aedium parte, cubiculoque bene tabulato, dormiret infans.

Balneum frigidum inter roborantia diaetae idoneae proximum locum tenet; et credidit Floyer † nonnullis in exemplis, nulli alii causae remotae, praeter balnei frigidi neglectum, rachitidem tribui potuisse. Meminit cel. Culenus morem hac in regione infantes, paulo post partum aqua frigida lavandi diu obtinuisse, et dicit, ubicunque hic mos valebat, se nunquam exemplum rachitidis cognovisse. Experientia igitur longa edocuit, balneum frigidum in hoc morbo remedium esse potentissimum, et semper tentandum nisi aegroti vires valde frangantur. Tunc temporis lavatione frigida sine immersione uti, et postea infantem pannis siccis fricare, necesse erit. Si autem immersionem tolerare possit aeger, semel et iterum aquae praeceptum detur, sed non diu ibi manere sinatur. ‘ Nam
‘ sic quicquid boni, a stimulo tanti frigoris sperari possit,
‘ obtinebitur,

† In tractatu de *Ψυχρολογία*.

* obtinebitur, neque vis ejus sedans atque infirmans corpori nocere poterit *.

Post gelidam immersionem corpus semper pannis siccis sedulo perfricetur.

Medicamenta tonica sunt, vel vegetabilia vel fossilia.

Vegetabilia tonica, quae in hoc morbo usurpantur, sunt amara, aromata, et cortex Peruv.

Amara sub forma cerevisiarum medicatarum, ut apud Van Swieten legimus, aliquando in usu fuere; sed adeo se ingrata habuere, ut infantibus nunquam copia fatis ampla, ad aliquos bonos edendos effectus, propinari potuerunt.

Aromata, cibo, de quo jam fatis dictum fuit, saepe nec ingrate adduntur.

Cortex Peruvianus, ob vires tonicas quibus insigniter gaudet, remedium efficacissimum certe foret, sed aequae amara, hic quoque ab infantibus repudiatur. Si lacte ebutyrato

* Gregor. conspect. med. theoret.

abutytrato commistus, vel sub forma tincturae iis oblatum fit, semel forsan vel iterum, ter quaterve raro eum fumere allicientur.

Enemata Peruviana haud absona videntur, et certe cortex in morbis a debilitate pendentibus, hoc modo in corpus immissus, commoda permagna aliquando secum attulit. Nonnulli volunt eum corpori extrinsecus admo-
veri, et verisimillimum est, corticem hoc modo exhibitum, auxilium posse adferre; febres enim intermittentes modo simili feliciter sublatae fuere, ut medicus ingeniosus Samuel Pye testatur, qui quaedam indusia ex duplici lintea veste fieri, et intra vestem interiorem et externam, corticis Peruviani subtilissime contriti aliquantum sterni iussit, et aegrum tali indusio indui praecipit. Hac arte multas febres intermittentes et remittentes fustulit. Quocirca in rachitide, huius methodi corticem exhibendi periculum facere, non abs re foret.

Ex *tonicis metallicis*, ferri et cupri praeparata praecipue in usu sunt.

Plerisque in morbis, laxitati originem debentibus, ferrum optimos effectus edit, et in rachitide, experientia duce, summo cum fructu exhibetur. Huiusce praeparatio, ens veneris scilicet, summis laudibus Boylei elata fuit,

qui

DE RACHITIDE.

qui illam quasi e cupro compositam descripsit; et Benevoli, pariter quoad ejus compositionem hallucinans, in Italia maximo successu rachiticis administravit. Verba tamen Boylei ipsius, ubi de vitriolo, ad hoc medicamentum componendum praescripto, et de methodo entis verneris praeparandi, loquitur, idem esse ac flores martiales Ph. Edinens. monstrant. Medicamentum chalybeatum, exhibitioni accommodatius est tinctura martis Ph. Edin. doses hujusce remedii semper parvae, saepe in die repetitae, sint.

Cuprum, ex effectibus in aliis morbis, quoad vires tonicas, ferro fortassis antecellit. Quoniam nequidem adultis ejus administratio periculo vacat, et aegri sunt admodum teneri qui hoc morbo vexantur, cupri periculum summa cum cautela semper fieri debet.

Praeparationem mitissimam hujusce metalli, in cupro ammoniaco videtur.

Ad consilium medendi tertium nunc progredimur, scilicet,

1. Deformitates emendare.

Hoc praecipue chirurgorum est, et perficitur tales ma-

chinas ad extremitates superiores et inferiores applicando, quales contra deformitatem agere possint; eodem tempore cavendum ne pressura in aliquam partem nimia, inflammationem vel gangraenam inducat.

Si spina dorsi detorqueatur, huic obviam ire possumus, aegrum illa in corporis positione servando, quae curvaturae obstat.

His cautelis memoria retentis et applicatis, aëre simul salubri, exercitatione et imprimis balneo frigido adhibitis, ossa minus informia reddi possint. Sed, si morbus inveteratus fuerit, vel aegrum diu afflixerit, deformitas persistat, et per vitam persistabit.

F I N I S



